

微醅投之。麩滓發焉。利用甚廣。耶穌訓人皆取過

請始明言之。蓋前聖豫謂寓言啟。日。闡明從古之秘奧。此其證也。耶穌散眾歸舍。

宗徒問稂莠之旨。耶穌曰。播種者。人子也。田者。人

世也。嘉穀。善人。稂莠。惡人也。讐者。邪魔。收斂者。世

界之窮盡也。斂刈者。天神之效命也。付烈焰者。八

地獄也。登廩庾者。升天國也。惡人在獄。痛號切齒。

善人在天。放光如日。能悟者。悟之。

求天國三喻 第十一

耶穌曰。天國如重寶。藏於人之田。或窺其端。復覆

藏之。不勝喜。必傾所有。購此田也。又如鬻寶者。偶

見一美珠。必盡捐貲市之。又曰。天國如舉網得魚。

必擇其嘉者。納諸器。其不嘉者。棄之淵。故世界窮

盡。天神來別善惡二種。惡者。悉昇之火。其痛苦哀

號。有不忍聞焉。爾輩悉喻乎。皆曰。唯唯。

晦迹本鄉 第十二

耶穌復還。納雜勒故居。瞻禮日。講道如常。一日講

經。至古聖依撒意亞所豫言。上主之神。與我偕焉。

遣我為曉諭貧乏者。醫療痛裂其心者。為榜諭已